

Insertitanit akileraartarneq pillugu Inatsisartut inatsisaata allannguutissaanut Inatsisartut inatsisaat

§ 1

1. § 1, stk. 1-mi nr. 8) kingornagut nr. nutaaq ivertinneqassaaq:

"9) peqatigiiffiit allat Kalaallit Nunaanniittut, siunertaqartut ilaasortaniit akiliutinik tiguisarnissaminnik taakkuninngalu akiliutinik papiaranik nalilinnik aningaasaliinissaminnik."

Nr. 9) taava nr. 10-ngussaaq.

2. § 1, stk. 2, imm. 1-mi "nr. 9" allanngortinneqassaaq "nr. 10"-ngorlugu.

3. § 2, stk. 1, imm. 1-mi "nr. 3 - 9" allanngortinneqassaaq "nr. 3 - 10" -ngorlugu.

4. § 14, stk. 1 kingornagut nutaamik ilassuteqartinneqassaaq:

"Stk. 2. Tunisiermi imaluunniit utertoormi, matumani ilaavoq obligatloninik tamanut atuuttunit makitsinikkut, kiisalu inuinaat aningaasanik atortitaasa tammarnaveeqquteqartitsineranni uppersaataannit taamatuttaaq aningaasanik isertitassanit, § 1-mi stk. 1 nr. 3-mnt 10-mut piginneqatigiiffinni, peqatigiiffinni il. il. taaneqartuni iluanaarutit pineqartumut akileraaruteqaataassapput. Naafferartumik akilersuinikkut utertoortoqarpat, aki1eraarusiisoqassaaq isertitat akileraarutigineqartussat naatsorsorneranni naafferartumik utertoortutislat ataasiakkaat utertoormi iluanaarutit pisinermi akiumut procentinngorlugu assigiinngissutaat ilanngullugit. Skatterådip allatut naatsorsueriaaseq akuersissutigisinnavaa. Taamatut akuersissutigineqartoq taamaallaat allanngortinneqarsinnaavoq skatterådip akuersissuteqarneragut, aatsaalli taamaaliortoqassalluni pissutsit immikkut illuinnartut pissutissaqartitsippata. Obligationinit tamanut atuuttunit, aammalu privatinit pantebrevinit kiisalu aningaasanik pissarsiassanit tunisiermi utertoormiluunniit ajunaaruteqarsimagaanni isertitat akileraarutigineqartatut naatsorsorneranni ajunaarutit ilanngaatigineqarsinnaaput."

5. § 19-mi imm. 1-ip kingornagut ilanngunneqassaaq:

"Taamatutaaq § 1, nr. 9-mi taaneqartut peqatigiiffiit rentetigut iluanaarutiminnik pissarsiaminnillu ilaasortaminnut ukiumi kingullermi siusinnerusukkulluunniit ukiumi aningaasatigut isertitaqarfimmit sinneqartoortiminnik pissarsisitsippata."

6. § 70, stk. 1-mi imm. 2-ip kingornagut ilanngunneqassaaq:

"Pissutsit taamaattut § 1, nr. 9-mi peqatigiiffinnut taaneqartunut atuuttuupput. "

§ 2.

Inatsit atortuulersinneqassaaq tamanut nalunaarutigineqarnera ilutigalugu. § 1, nr. 1-mi aalajangersagaq atuutilissaaq 1. juli 1985-miit.

Stk. 2. Iluanaarutit ajunaaruti1luunniit § 1, nr. 2 tunngavigalugu naatsorsorneqarneranni, 1. juli 1985-mi

tamanut nalunaarutigineqartoq børskurs atorineqassaaq pisinermi akigitinneqartumut taarsiullugu imaluunniit niivernermi taamaattumik saqqummiussisoqareersimanngippat.

Ulloq, 7.juni 1985

Jonathan Motzfeldt

/

Moses Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut